

**Broj: 06-03-721-11/53/17**  
**Mostar, 07.11.2017. godine**

Na osnovu člana 21., člana 37., člana 42., člana 84., člana 86., člana 87. stav (1) i stav (2) i člana 93. Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13 i 94/15), člana 20. stav (2) Zakona o korištenju obnovljivih izvora energije i efikasne kogeneracije („Službene novine Federacije BiH“ broj 70/13 i 5/14), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14 i 31/16), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 18. Pravilnika za izdavanje dozvola („Službene novine Federacije BiH“ broj 2/17), člana 12. stav (3) i člana 13. stav (2) Pravilnika o sticanju statusa kvalifikovanog proizvođača električne energije („Službene novine Federacije BiH“ broj 53/14), člana 4. stav (2), člana 5., člana 6. stav (1) i člana 9. Pravilnika o metodologiji i načinu obračuna regulatornih naknada za imaoce dozvola („Službene novine Federacije BiH“ broj 5/17 i 59/17), postupajući po Zahtjevu za prenos dozvole za rad broj 06-03-721/53/17 od 09.08.2017. godine podnosioca zahtjeva „IVEX“ d.o.o. Usora i na vlastitu inicijativu u postupku prenosa Dozvole za rad za proizvodnju električne energije broj 06-03-963/53/12 od 26.07.2017. godine sa „IVEX“ d.o.o. Usora na ENERGY TRADE d.o.o. Usora kao postojećeg imaoца dozvole, Regulatorna komisija za energiju u Federaciji Bosne i Hercegovine – FERK je dana 07.11.2017. godine na XVIII redovnoj sjednici donijela sljedeće

## RJEŠENJE

1. Dozvola za rad - licenca za obavljanje elektroprivredne djelatnosti proizvodnje električne energije broj 06-03-608/46/13 od 30.09.2013. godine izdata Rješenjem broj 06-03-608-10/46/13 od 30.09.2013. godine imaoću dozvole ENERGY TRADE d.o.o. Usora mijenja se i dopunjuje, te glasi kao u prilogu koji je sastavni dio ovog rješenja.
2. Utvrđuje se ENERGY TRADE d.o.o. Usora, status kvalifikovanog proizvođača u objektu solarne fotonaponske elektrane „IVEX“ i solarne fotonaponske elektrane „IVEX 2“, u periodu važenja dozvole iz tačke 3. ovog rješenja.
3. Dozvola za rad izdaje se na period do 29.09.2018. godine, sa uslovima dozvole koji čine njen sastavni dio.
4. Iznos regulatorne naknade koju je imalac dozvole obavezan platiti za 2017. godinu utvrđen Rješenjem broj 08-07-413-02/17 od 30.03.2017. godine se mijenja i glasi: „356,22 KM“.
5. Imalac dozvole je obavezan plaćati regulatornu naknadu za naredne godine važenja dozvole na način i u iznosu koji utvrdi FERK posebnom odlukom.

6. O obavezi plaćanja regulatorne naknade iz tačke 5. ovog rješenja imaoću dozvole će se polugodišnje ispostaviti obavještenje.
7. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.

### Образложење

Dana 09.08.2017. godine FERK je od postojećeg imaoća dozvole „IVEX“ d.o.o. Usora primio Zahtjev za prenos dozvole za rad pod brojem 06-03-721/53/17, te 30.08.2017. godine pod brojem 06-03-721-01/53/17 i 01.09.2017. godine pod brojem 06-03-721-02/53/17 dopunu istog zahtjeva. U prilogu tog zahtjeva primljen je i Zahtjev za izdavanje dozvole za rad za proizvodnju električne energije podniet od ENERGY TRADE d.o.o. Usora, kao pravnog lica na koje se želi izvršiti prenos dozvole, u proizvodnom objektu solarna fotonaponska elektrana „IVEX“ i solarna fotonaponska elektrana „IVEX 2“, za koji je FERK izdao „IVEX“ d.o.o. Usora Dozvolu za rad za proizvodnju električne energije broj 06-03-963/53/12 dana 26.07.2017. godine.

Prilikom pregleda potpunosti podnesenog zahtjeva, u skladu sa članom 9. Pravilnika o javnim raspravama i rješavanju zahtjeva, sporova i žalbi, FERK je utvrdio da podneseni zahtjev nije potpun u smislu člana 12. Pravilnika za izdavanje dozvola. Zbog navedenog, FERK je postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi uputio „IVEX“ d.o.o. Usora i ENERGY TRADE d.o.o. Usora Obavještenje o nedostacima podnesenog Zahtjeva za prenos dozvole za rad broj 06-03-721-03/53/17 od 07.09.2017. godine, te mu odredio rok radi otklanjanja u obavještenju naznačenih nedostataka i upozorio ga na posljedicu propuštanja.

Postupajući po obavještenju, ENERGY TRADE d.o.o. Usora je dostavio dopis primljen u FERK 07.09.2017. godine pod brojem 06-03-721-04/53/17, dopis primljen u FERK 20.09.2017. godine pod brojem 06-03-721-05/53/17, dopis primljen u FERK 03.10.2017. godine pod brojem 06-03-721-06/53/17, te dopis primljen u FERK 12.10.2017. godine pod brojem 06-03-721-07/53/17, kao i dopis primljen u FERK 18.10.2017. godine pod brojem 06-03-721-08/53/17, uz koje je dostavio tražene informacije i obrazloženja, a na osnovu kojih je FERK utvrdio da je podneseni zahtjev potpun i da su se stekli uslovi za objavu obavještenja za javnost o nacrtu dozvole, uz obavezu da se ENERGY TRADE d.o.o. Usora u uslovima dozvole propiše obaveza da odmah po izdavanju dostavi FERK-u izmjenjene elektroenergetske saglasnosti za solarnu fotonaponsku elektranu „IVEX“ i solarnu fotonaponsku elektranu „IVEX 2“.

U Zahtjevu za prenos dozvole za rad broj 06-03-721/53/17 od 09.08.2017. godine, postojeći imalac dozvole „IVEX“ d.o.o. Usora, je kao razloge zbog kojih traži od FERK-a da se izvrši prenos Dozvole za rad za proizvodnju električne energije broj 06-03-963/53/12 koju mu je FERK izdao 26.07.2017. godine na ENERGY TRADE d.o.o. Usora, naveo potrebu da se odvoji elektroprivredna djelatnost na jedno pravno lice i time olakša evidentiranje i praćenje računovodstvenih i drugih parametara.

Obzirom da je FERK utvrdio da je podneseni zahtjev potpun, postupajući u skladu sa članom 41. Pravilnika za izdavanje dozvola, dana 24.10.2017. godine donesen je Zaključak broj 06-03-721-09/53/17 kojim se odobrava provođenje postupka prenosa

Dozvole za rad za proizvodnju električne energije broj 06-03-963/53/12 izdate 26.07.2017. godine sa postojećeg imaoaca dozvole „IVEX“ d.o.o. Usora na imaoaca dozvole ENERGY TRADE d.o.o. Usora.

Na osnovu provedenog postupka tokom kojeg je izvršena pažljiva analiza svih činjenica i podnesenih dokaza na osnovu kojih se moglo utvrditi stanje stvari, te imajući u vidu da je ENERGY TRADE d.o.o. Usora postojeći imalac dozvole, FERK je u skladu sa članom 16. Pravilnika za izdavanje dozvola, pripremio Nacrt dozvole za rad za proizvodnju električne energije. Na osnovu člana 92. stav (2) Zakona o električnoj energiji u Federaciji Bosne i Hercegovine, FERK je Odlukom broj 06-03-721-10/53/17 od 24.10.2017. godine usvojio Nacrt dozvole za rad za proizvodnju električne energije, te Obavještenje za javnost o opštoj raspravi o Nacrtu dozvole za rad za proizvodnju električne energije, kojom je ovaj nacrt upućen u proces javne rasprave. Ovom odlukom je imenovan voditelj postupka i zamjenik voditelja postupka, te je utvrđeno i da su zainteresovana lica imala mogućnost dostaviti svoje pisane komentare na Nacrt dozvole za rad za proizvodnju električne energije na adresu FERK-a ili na elektronsku adresu u periodu od 24.10. do 03.11.2017. godine do 12:00 sati, kao i da su lica koja imaju direktan interes učestvovati u postupku izdavanja dozvole, pod uslovom da im je interes različit od opšteg javnog interesa, imala mogućnost podnijeti zahtjev za sticanje statusa umješaća na adresu FERK-a ili na elektronsku adresu, u periodu od 24.10. do 3.11.2017. godine do 12:00 sati.

Do ostavljenog roka za dostavu pisanih komentara i za podnošenje zahtjeva za sticanje statusa umješaća, odnosno do 03.11.2017. godine do 12:00 sati, u FERK nisu primljeni pisani komentari na Nacrt dozvole za rad za proizvodnju električne energije, niti je primljen zahtjev za sticanje statusa umješaća.

Dalje, članom 4. i članom 5. Pravilnika o metodologiji i načinu obračuna regulatornih naknada za imaoce dozvola propisana je dinamika i način obračuna regulatorne naknade za imaoce dozvola za obavljanje elektroprivrednih djelatnosti. Članom 6. istog pravilnika propisano je da postojećim imaocima dozvola koji obavljaju djelatnost proizvodnje električne energije, a koji povećaju/smanje ukupnu instalisanu snagu svojih proizvodnih objekata i ako prelaze iz jedne kategorije u drugu, fiksni dio regulatorne naknade će se preračunavati u skladu sa tabelom iz člana 5. stav (2) ovog pravilnika, od prvog dana perioda izmjene dozvole, a varijabilni dio regulatorne naknade utvrđivat će se primjenom procenta p (%) na ostvareni ukupni prihod iz prethodne poslovne godine i/ili na planirani ukupni prihod za tekuću godinu, a u skladu sa članom 5. stav (3) ovog pravilnika. Članom 8. istog pravilnika propisan je način utvrđivanja regulatornih naknada za imaoce dozvola za obavljanje elektroprivrednih djelatnosti, odnosno način donošenja rješenja kojim se utvrđuje pojedinačni iznos godišnje regulatorne naknade za svakog imaoaca dozvole. Na osnovu navedenog Rješenjem broj 08-07-413-02/17 od 30.03.2017. godine ENERGY TRADE d.o.o. Usora kao postojećem imaoцу dozvole za rad za obavljanje elektroprivredne djelatnosti proizvodnje električne energije utvrđen iznos regulatorne naknade za 2017. godinu u iznosu od 300,00 KM. Kako je imalac dozvole povećao ukupnu instalisanu snagu svojih proizvodnih objekata i prelazi iz jedne kategorije u drugu, fiksni dio regulatorne naknade za 2017. godinu je preračunat u skladu sa tabelom iz člana 5. stav (2) ovog pravilnika i sada iznosi 330,14 KM, a varijabilni dio regulatorne naknade za 2017. godinu utvrđen je primjenom procenta p (%) na planirani ukupni prihod za tekuću godinu u skladu sa članom 5. stav (3) ovog pravilnika i sada iznosi 26,08 KM, tako da ukupan iznos

regulatorne naknade koju je imalac dozvole obavezan platiti za 2017. godinu sada iznosi 356,22 KM.

Uz navedeno, a imajući u vidu da je ENERGY TRADE d.o.o. Usora takođe postojeći imalac dozvole, u cilju efikasnosti i ekonomičnosti postupaka pred FERK-om, FERK je, postupajući u skladu sa članom 40. stav (2) Pravilnika za izdavanje dozvola, na vlastitu inicijativu izvršio izmjene i dopune Dozvole za rad – licence za obavljanje elektroprivredne djelatnosti proizvodnje električne energije broj 06-03-608/46/13, koju je FERK izdao 30.09.2013. godine imao dozvole ENERGY TRADE d.o.o. Usora, s tim da je period važenja dozvole za rad ostalo nepromijenjen. Cilj ovakvog postupanja FERK-a je jednom dozvolom regulisati proizvodnu djelatnost jednog imaoča dozvole u svim objektima kojima raspolaže, što pridonosi pravnoj sigurnosti i zaštiti opšteg javnog interesa, ali cilj je bio izvršiti i ostale potrebne izmjene i dopune Dozvole za rad – licence za obavljanje elektroprivredne djelatnosti proizvodnje električne energije broj 06-03-608/46/13 od 30.09.2013. godine, budući da je u periodu nakon izdavanja te dozvole došlo do promjene podzakonskih akata i FERK-ovih pravila i propisa.

Na osnovu navedenog, u dozvoli koja je predmet ovog rješenja podnosiocu zahtjeva postavljeni su, u skladu sa članom 26. i članom 27. Pravilnika za izdavanje dozvola i članom 13. stav (1) Pravilnika o sticanju statusa kvalifikovanog proizvođača električne energije, određeni uslovi. Spomenuti uslovi uvažavaju potrebu, ali i obavezu ENERGY TRADE d.o.o. Usora da u rokovima propisanim u uslovima dozvole za rad za obavljanje licencirane djelatnosti proizvodnje električne energije iste ispuni, u cilju zadovoljenja propisanih kriterija.

Na osnovu navedenog, odlučeno je kao u dispozitivu ovog rješenja.

#### **POUKA O PRAVNOM LIJEKU:**

Protiv ovog rješenja strane u postupku mogu tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

**PREDSJEDNIK FERK-a**  
**Jasmin Bešo**

#### **Dostaviti:**

- „IVEX“ d.o.o. Usora
- ENERGY TRADE d.o.o. Usora
- Operator za OIEiEK
- Kancelariji sekretara FERK-a
- Sektoru za pravne poslove
- Sektoru za tehničke poslove i licence
- Sektoru za tarife i tržište
- Sektoru zajedničkih poslova
- Sektoru za finansije
- oglasna tabla
- a/a